

## Умму Сибён қандай жин?



17:04 / 31.10.2018 8209

Янги туғилган боланинг қулоғига аzon ва takbir айтиш ота-онанинг бурчи, боланинг ҳаққидир.

Азон илохий мадҳия экани барчага маълум. Бу ишнинг фазли қанчалар улуғлигини ҳамма яхши билади. Азон айтилган жойда барака бўлади, азон айтилган жойдан шайтон қочади. Шунинг учун ҳам Расулуллоҳ соллаллоҳу алайҳи васаллам янги туғилган болаларнинг ўнг қулоғига аzon, чап қулоғига takbir айтганлар ва умматларига шундай қилишни тавсия қилганлар. Янги туғилган боланинг қулоғига аzonу takbir айтишда гўзал рамз ва маъно бор. Унда, бу бола янги туғилди, ҳали қулоғига ҳеч қандай овоз киргани йўқ. Унинг қулоғига дастлаб кирадиган овоз «Аллоҳу Акбар!» бўлсин, илохий мадҳия бўлсин, токи бу бола доимо яхши овозларни, улуғ сўзларни эшитиб юрсин, деган орзу-умид бор.

Расулуллоҳ соллаллоҳу алайҳи васалламнинг ўzlари чақалоқларнинг қулоғига аzon айтилганлар.

Абу Рофеъ розияллоҳу анҳудан ривоят қилинади:

**«Расулуллоҳ соллаллоҳу алайҳи васалламнинг Фотима розияллоҳу анҳо Ҳасан ибн Алини туққанида унинг қулоғига намознинг азонини**

**айтаётгандарини кўрдим».**

*Абу Довуд ва Термизий ривоят қилганлар.*

Ушбу ҳадиси шарифга биноан, янги туғилган фарзанднинг ўнг қулоғига аzon, чап қулоғига иқома айтмоқ мандубдир. Янги туғилган боланинг қулоғига кирган биринчи нарса Аллоҳнинг зикри бўлиши қандай ҳам яхши. Албатта, бу улуғ нарсанинг ўзига яраша баракаси бўлади.

Бундан ташқари, боланинг қулоғига аzon ва иқома айтишнинг яна бир ҳикмати бор.

*Ҳусайндан ривоят қилинади:*

**«Расулуллоҳ соллаллоҳу алайҳи васаллам:**

**«Кимнинг боласи туғилса-ю, унинг ўнг қулоғига аzon, чап қулоғига иқома айтса, унга Умму Сибён зарар етказа олмас», дедилар».**

*Абу Яъло ривоят қилган.*

«Умму Сибён» болаларга зиён етказадиган жин тоифасидир. Унинг қиласидиган иши гўдакларга зарар етказишдан иборат. Аммо боланинг қулоғига аzon ва такбир айтиб қўйилса, мазкур жин болага зарар етказа олмай қолади. Бунинг устига, аzon ва такбир боланинг қалбиға, бутун вужудига яхши таъсир қилишидан умидворлик ҳам бор.

**“Соғлом бола” китобидан**